

國朝耆獻類徵初編卷二百五十三目錄

僚佐五

鮑志周

湯相尹弟相萊陳力

楊伊邕

金林黎孝枝

楊曉

陳采

何潛王原洙

鮑文燦

盛際斯

王繩曾

浦起龍

段海生

劉大槐

韓海

周宣猷

徐梁棟

顧見田林元炯

余文梓

李觀瀛

張益哲

羅國楫

陳方秩

鍾靈

夏逢夔

胡鈇

張汝霖

金林

羅升

朱彝爵

焦率祖

杜冠玉

黎榮生

車騰芳

曠敦本

彭仕周
李宗樾

謝晉

范元芳

孟承謨

楊文賜

于公裔

楊瑞
蔡璋

華純曾

鄧愷
王廷範

補錄

孟承謨

國朝耆獻類徵初編卷二百五十三

通奉大夫前署江西巡撫江西布政使司布政使湘陰李桓輯
僚佐五

鮑志周

鮑志周字景濂杭州餘杭縣人性至孝幼喪父泣血苦出後讀書鄉塾常往哭於墓一日晚歸母見目赤腫疑同塾角戲痛斥之後家人見其哭墓泣曰昨何不言曰恐傷母心也年十九補弟子員旋食餼雍正七年拔貢成均八年冬簡往陝西明年攝邠州淳化縣淳自明季殘於寇今猶未蘇志周極意撫循之宿弊悉除冬饑民謀徙志周親往稽戶口計常社兩倉儲穀足支四月則麥期近

乃屬耆老告以毋轉溝壑爲之泣民亦泣由是無出疆者肅州需
軍米檄漕三千石志周發穀屬民領碾不以役督曰差役卽擾民
何堪米竟先期交運陝甘兩省多荒地雍正閒議令三年墾復十
年升科漕前令已申報可墾者千數百頃志周知地瘠見耕者尙
多三年一易謂之歇地況久荒乎擇稍可墾者援折算例請於上
官入告報可時州牧難之志周堅持竟得請退語人曰我別母
之官母訓我愛民如子不愛民是負母訓也治漕未二載前流徙
蜀漢間者咸歸業以內艱歸乾隆四年服闋赴補時河南雨災奉
命往協賑務賑考城考城令以君故得上考明年補濬縣治濬
如治漕中丞雅爾圖器之調祥符甫受事管河同知移書刻期徵

民夫四百志周以非公檄不應六年江南災明年上命移河南

米麥協濟米須碾運府倉七千石縣倉九千石事孔亟會城碾戶
盡役於府志周赴朱僊鎮集米商告曰舊例照折起運贏歸官今
以官穀照折易爾米贏歸爾眾懽諾不日以足麥購於市他邑民
皆苦之志周潛以人雜諸商賈市糴數足而民不知中丞雅爾圖
榜其堂曰循良師表旋擢本府清軍鹽捕同知未弔月攝彰德府
整率有方中丞益賢之復榜其堂曰治擬龔黃題請知衛輝府部
以非題缺議駁中丞仍檄署之會畿南二麥歉收移文河南郡邑
備貯衛郡責糴八萬志周置之屬邑數請曰無庸境內商販赴彼
日數千石食自足不外需矣一經官購則當截商商截則市價必

昂鄰民未濟我民先病且麥不可久貯勢必借糶易穀不滋累乎
已而果不需麥九年得代返汴疾作遂卒年四十有八志周公明
清敏坦懷接物出之肫肫其性也在涪化時有重囚周龍穴獄亡
法曹掾報入志周亟命掩捕時例禁嚴限滿不獲落職協緝翌日
邑民知之恐循吏去各自起丁男四出佐緝有三原民故健步能
索叛亡一日過涪村里惟見婦女怪之詢由或告以故其人曰此
非涪人所能吾當密偵之婦女聞之圍繞爭脫簪珥賂之致懇未
幾果獲其令祥符也有黑衣人自稱尉氏縣捕役子緣張某姦彭
某妻因謀死親夫事父捕未獲勒限重比婦見居臬署旁張見充
臬署庖人勾公逮之志周卽帶黑衣人往獲訊不諱黑衣人曰有

天矣言訖不見彭係繫者乾隆四年水災夫婦逃荒往中牟依姪
不能存復轉徙道逢張姦其婦以剪股殲讐者姪證語合獄成移
尉氏事猶未發覺黑衣人者鬼爲訴也至今汴人猶傳異云公宦
十載貧如故中丞雅公去頴色代聞之太息語僚屬賻之兩河士
庶爭哭賻喪得歸子二長斌次宸錦

張庚曰昔孫樵書何易于事數則史官據之入循吏傳其言實爲
可信也余與鮑君皆浙人里居阻迴生未之識乾隆己巳來汴士
民及官茲土者籍籍稱之近有自關中來者亦述其治行名豈虛
附哉餘姚周君燦如僑居大梁次其政績乞余傳書之備史家採
擇焉

右傳張庚撰

湯相尹

弟相萊
陳力

湯相尹字聘三湖南零陵人雍正己酉拔貢幼有神童之目能文
善書法尤工詩賦著有東軒詩彙族之學業自相尹倡之諸弟皆
相尹所成就性剛介言笑不苟同年大學士陳大受夙相契洽屢
以書招不赴任嘉禾教諭卒弟相萊乾隆丁卯舉人官益陽教諭
有清操崇厲士品歸以壽終子炳笈丁酉拔貢又有陳力字無競
新化人少孤事繼母以孝稱理學文譽擅一時雍正中歲貢官石
門訓導日聚生徒講學澧人多服其教閱九年歸平居清素嚴峭
不妄交一人取與嚴於一介而誨人如春風和藹亦喜吟詠邑人
之能文而有行者無不出其門也

右傳李元度撰出其門也

一入郊與劉攽一代而病人吸春風味諸衣喜領和色人
日舉主翁齋學藝人逢風其燈開火半體平得齋素風
外人少而事繼以幸繼野學文譽魁一制廢五中齋貢官
日齋舉崇風士品識以嘉徐干融笑丁酉好貢又百刺代字燕
以書辭不使升燕不慈嗣卒策昧葉薄劉丁似舉人官益嗣煥
而後退氣餘對嗣介言笑不語同事大學士劉大受風許
書去我工荷類善百東碑福素慈之學業自昧氏劉之
昧氏字鄂三臨南容劉人廢五五酉好貢似百補遺之司

昧氏

宋史

楊伊邕 金林 楊晚 黎孝校

楊伊邕字錫侯湖南安鄉人雍正己酉拔貢麻陽教諭縣苦徭役力請豁除之捐俸建學署在任九月卒官士人祀諸學宮左同邑金林字繼山雍正中歲貢鳳凰廳訓導兼主敬修書院發明正學多所造就遷龍陽教諭以老歸著有書經翼鈔詩講義四書翼注時有楊晚字幕六祁陽人康熙丁酉舉人雍正庚戌進士授衡州府學教授以德望見重當事主講石鼓書院出其門者多一時名傳年七十五致仕歸猶於里門聚徒講學手不釋卷八十四歲卒著有春風堂彙行世又有黎孝校字卜子華容人居家孝友與兄材楨弟模杞相師友咸以文章馳騁一時雍正癸丑舉人官湘

潭教諭著有劬園集

右傳李元度撰

金林

蘇州

葉華

蘇州

陳采 何潛 鮑文燦 王原洙

陳采江甯人雍正中知城步縣縣西南響水洞積石阻截江流明萬厯中知縣元宗孔開鑿後歲久淤塞至是采卽故道開濬民便之號曰陳公江擢寶慶府同知同時湖湘著聲績者又有何潛秦安人知新甯縣縣塘汎兵時以私役擾民潛至嚴禁革之且紀以石民以爲便尤善折獄囹圄幾空以卓異擢鳳凰營通判鮑文燦貴池人任綏甯典史禽獲逆獠蒲寅山五年復平叛苗以軍功擢新涇巡檢王原洙句容人任武陵縣丞革官役私派每單騎督修隄障均隄畝除積弊定歲修督種樹民皆德之

右傳李元度撰

按陳公雍正七年任城步令

...

...

...

...

...

...

...

...

東宋 仲謙 張文敬 王執中

盛際斯

山中以文名天下者天下學者皆知有武甯盛氏而其能皆出於
教授公公少嗜學治經書廢寢食尤深於春秋出入左史秦漢爲
文日奇肆無涯出以示人人不能讀時習尙卑靡學者不知有古
公崛起童子中務爲深實宏博有濟於用卽與時不合益賦詩著
文犖犖自喜旣冠補諸生三年選貢士入太學與義門何焯論史
焯異之退曰天下才也太學生帖帖屈服丁內艱數歲復遊京師
無所合久之選授樂平縣教諭十九年稍遷教授吉安府又四年
致仕方是時仕途多鬬茸廣文故冷曹譏彈弗及公獨慨然以師
道自存進諸生於古繕竹房開講席設稟廚食其貧而無資者一

以程度校其能爲上下凡所受後先進退皆有門戶可理有二者以不友聞公蹶蹢曰吾師於是而弟子若是何可問召至爲詳述古今孝弟事動以天性復自傷教化不明齋咨太息聽者屏氣斂容二生皆流涕頓首謝遂相友愛終其身當是時清厓盛先生之名播於湖東西間後生想望丰采者願得一就所聞無何而公歸且告卒矣公旣卒公之諸孤傳公所著者曰春秋心傳曰清厓集曰詩藪而公之子及公之存已有名士大夫聞其後季子樂以博學鴻詞徵仲子大謨以經學薦海內士莫不知有所謂武甯盛氏者武甯於江右地稍僻人文闊絕二十年間馳驟風雅後先相望郁郁乎爲豫章名縣蓋武甯風氣自盛氏開而公之德教灌輸